



Galla galopffel

Cap. ciiij.

Galla latine grece cideos uel halapsa uel lapsana. arabice haffs. Der meyster Serapio in de blich aggregatoris in de capitel galla spricht das man die neme von den baumen so sye noch nit zytig synt vñ sunderlich die do dicht vnd swere vnd nit lochericht synt. vñ diß synt auch die besten vnd die nuzet man in der artzney. Die grüne gallopffel synt fast bitter vñ ir geroch ist stopffen.

Buch circa instans in dem capitel Galbanū beschriben vns dielmei-
ster vnd sprechen das diß sy heys an dem dritten grade vñ feucht an
dem ersten. In de sommer samelt man diß gūmi von eynem stam
Etlich hauwen in den stam so geet safft darvß das wirt hart vñ der
sonnen. vnd diß ist das beste gūmi das do wyß ist vñ luter vnd das
do glichet armoniaco. **D**iß gūmi weret lange yrt an syner natur
vñ uerferet. **D**er meister Diascorides beschribet vns in dem capi-
tel galbanū das diß gūmi gūt sy vor das kychen des inne genömet
dry quintyn mit weychen eyern oder mit gersten wasser. **W**er do
hette eyn geswere in dem heubt der neme galbanum vnd lege den vff
glühende kolen vñ lais den rauch in die naseloch der gan es hilffet.

Welcher frauen die miter vff feret als vñ eynes stat zu der an-
dern oder von eynes syten zu der andern oder die fur den leyß gat die
neme galbanū vnd armoniacū yglichs glich vil vnd werffe diß vff
glühenden kolen vñ lais den dampff vñ den vff geen.

Welcher eyn hartes miltz sette der neme galbanū vnd lege den
in essig dry dage vñ syede den dar in mit dem gūmi vñ darnach syde
den essig alē vnd mische darvnder baum ole vnd rore diß mit eynem
spatel vñ mache darvß eyn plaster vñ lege es vff das miltz.

Plinius welche frauwe ir yrt nit sette die neme galbanum vnd
mastix vñ lais die surgen in ole vnd dūcke baumwollen in das ole
vnd mache darvß eyn pessariū das ist eyn zappen in die scheinde der
frauen. **W**er böse geswern sette an synem lyke der lege galbanū
darvß die yrtiget zu hant. **P**latearius galbanū vff kolen gelert
vnd den rauch mit eynem drechter vff den bösen zan gehalten vnd
den also dar gelassen kemppt dem zan synen sinerzen.

Item es ist zu mercken das galbanum vorhyt gereyniget sal
werden ee man den nutz in der arzny also. **N**ym galbanum vñ zur
lais den in eynes phannen vnd schudt den in eyn kalt wasser so zur-
drent sich der vñ flat vñ das vñreyt do von vñ das luter vnd das
reyn von dem galbano felt zu grunde. **I**tem man mag es auch
syen durch eyn dūch so blybet das vñreyt in dem dūch vñ das clare
geet dar durch. **I**tem wer worm in dem buch sette der nutz die
pillulen die von galbano gemacht synt es dodet sye vnd geneset do
von.